



Publicaziuns dalla vischnaunca, jamna 44

Lubientschas da baghegiar

L'istanza da baghegiar ha concediu suandontas lubientschas da baghegiar:

Nr. 2010-1002

Disentis DH Club, Via Alpsu 43, 7180 Disentis/Mustér; nova pista da Downhill, parcella nr. 3012, Caischavedra– Sontga Catrina, Disentis/Mustér.

Nr. 2010-1017/02

Recal AG, Via Alpsu 49, 7180 Disentis/Mustér; implont da scaldar a distanza, midada da project dall'emprema etappa dil conduct da providiment pil scaldament a distanza, parcelas 2874, 741, 963, 764, 755, 757, 758, 768, 760, 2324, 962, 959, 694, 2271, 695, 780, 781, 703, 702, 701, 2487, Via Gonda, Via Sogn Gions, Via Cons e Via da Scola, 7180 Disentis/Mustér.

Nr. 2010-1049

Albert Spescha-Wiher, Jeninserstrasse 6, 7307 Jenins; renovaziun dalla casa existenta, baghetg annex da habitar e garascha sutterrana, parcella nr. 764, Via Gonda 10, 7180 Disentis/Mustér.

Quellas lubientschas san vegnir contestadas enteifer 30 dis dapi la publicaziun el Fegl official dalla Surselva tier la Dertgira administrativa dil cantun Grischun.

Disentis/Mustér, ils 2-11-2010
Uffeci da baghegiar Disentis/Mustér

Cussegl da vischnaunca

Il cussegl da vischnaunca seraduna **venderdis, ils 12 da november 2010 allas 19.30 uras** en stanza da seduta el plaunterren dalla casa communal ad ina seduta.

Tractandas:

1. Protocol nr. 12-2009/2012
2. Verificaziun dall'elecziun complementara dalla suprastonza communal diils 26 da settember 2010
3. Via Faltscharidas: Credit per la sanaziun (messadi nr. 18-2009/2012)
4. Postulat pertuccont retscherchar l'interessenza sco era in adattau liug per cuminonzas da bargias da lenna da brisch per vischinas e vischins: Risposta dalla suprastonza communal (P 1-2009/2012)
5. Lescha forestala: Revisiun parziala (messadi nr. 20-2009/2012)
6. Preventiv 2011 (messadi nr. 19-2009/2012)
7. Agenda 2011 e damondas organisatorias

Il president dil cussegl da vischnaunca

Fiera da sogn Martin

Gliendisdis, ils 8 da november 2010 ein ils biros dall'administraziun communal serrai dallas 16.00.

Nus engraziein per Vossa capientscha e giavischein in bi di da sogn Martin.

Administraziun communal Disentis/Mustér



Fiera da sogn Martin

Gliendisdis, ils 8 da november 2010 ha liug l'usitada fiera da sogn Martin. Ils stans vegnan endrizzai sin la Via Lucmagn e parzialmein sin la Via da Scola e la Via Cons.

Las preparativas entras la vischnaunca entscheivan quei di allas 5.00 e la fiera ha liug naven dallas 7.30 entochen allas 18.00. Silsunter setracta ei da far uorden, quei che cuoza entochen ca. allas 19.30. Per evitar incaps, supplichein nus las fatschentas el contuorn dils stans da fiera da ton sco pusseivel buca schar vegnir quei di autos cun pli grondas furniziuns.

Per la capientscha engraziein nus grondamein.

Uffeci da baghegiar Disentis/Mustér

Tagliar caglias e plontas

Tenor art. 75, al. 4 dalla lescha da baghegiar astgan plontas buca disturbar la vischinonza ni la segirtad publica.

Per liung dallas vias publicas e privatas sco era sendas ein tuttas caglias e plontas da tagliar anavos, aschia che nuot survarga il cunfin (era buca suenter ch'ei ha neviu). Quellas lavurs ston esser finidas sil pli tard entochen la **fin da november 2010**.

En cass che las caglias e plontas vegnan buca tagliadas anavos enteifer il termin fixau, vegnan quellas lavurs exequidas entras il survetsch tecnic dalla vischnaunca cun adossar ils cuosts als proprietaris.

Disentis/Mustér, october 2010

Uffeci da baghegiar Disentis/Mustér

Seivs mobilas per la pasculaziun

Tenor art. 75, al. 1 dalla lescha da baghegiar ston seivs mobilas vegnir allontanadas immediat suenter la pasculaziun. En quei senn ston tuttas seivs per la pasculaziun vegnir allontanadas **entochen ils 30 da november 2010**. Quei vala era per seivs da gatter. Aschinavon che las seivs vegnan buca allontanadas enteifer il termin indicau, vegnan quellas tenor basegns allontanadas sin donn e cuost dils proprietaris.

Disentis/Mustér, ils 28-10-2010

Uffeci da baghegiar Disentis/Mustér

Cuminonzas da bargias da lenna

En in postulat ha cusseglier Clemens Berther constatau, che beinenqual possessur d'ina pegna scalegl ni era d'ina platta da fiug hagi savens munconza da plaz per deponer la lenna da brisch. Ei seigi da beneventar ch'ins nezegi nossas resursas. El damonda, schebein la vischnaunca savessi metter a disposiziun prau ni pastira en dretg da baghegiar per construir cuminonzas da bargias da lenna da brisch.

Per saver eruir l'interessenza per realisar talas cuminonzas da bargias da lenna arranscha la suprazonza communalina ina retscherca davart igl interess per tals indrezs.

Interessai a talas deponias da lenna san s'annunziar cun indicar il spazi giavischau. Sin fundament dallas annunzias vegn la suprazonza communalina a prender las disposiziuns indicadas.



Las annunzias per basegns da magasinar lenna en volumen/m³, sco era giavischs per in liug preferiu ein da far entochen sil pli tard ils **30 da november 2010** agl uffeci da baghegiar. L'annunzia sto succeder a scret.

Disentis/Mustér, ils 2-11-2010
Suprastonza communal

Premi Desertina 2010

Dapi 2004 renconuscha la vischnaunca da Mustér prestaziuns specialas d'instituziuns sco era da vischins e vischinas sin il sectur dalla cultura e dil sport. Dacuort ha la suprastonza communal – en concordanza cun la cumissiun – decidiu da surdar uonn il premi da renconuschientscha al Chor-baselgia Sogn Gions Mustér. Quel embellescha onn per onn numerus survetschs divins e fiastas ecclesiasticas.

Il premi da promoziun va all'Uniun da scursalar e spassegiar Mumpé Medel, che festivescha uonn il giubileum da 10 onns. En quei interval ha la gruppa fatg gronds sforzs e bia lavur cumina per porscher in'attractiva caschun da scursalar e viandar per indigens e hosps.

Il premi da renconuschientscha ei dotaus cun frs. 3000.–, quel da promoziun cun frs. 2000.–. La surdada dil premi ha liug a moda festiva a caschun d'ina seduta speciala dil cussegl da vischnaunca **venderdis, ils 10 da december 2010 en halla Cons.**

Suprastonza communal

Purschida gratuita

La vischnaunca da Mustér porscha a ses habitonts la pussevkladad da visitar gratuitamein la Casa da traffic a Lucerna (www.verkehrshaus.ch). Al spurtegl dall'administraziun communal sa per **mintga di** digl onn vegnir retratg **5 entradas gratuitas**.

En quella purschida ei cunteniu:

- entrada gratuita ella Casa da traffic a Lucerna cun museum, planetarium, museum da Hans Erni
- teater da film IMAX per in prezi special (frs. 4.– reducziun)
- 10% rabat sin artechels ella stizun dil museum

Co fuss ei da far inagada in'excursiun a Lucerna, forsa gest cun nezegiar la carta dil di per viagiari cun quasi tut ils mieds da traffic publics en Svizra? Dapli informaziuns retscheveis Vus tier l'administraziun communal Mustér (tel. 081 920 36 36 ni E-Mail: admin@disentis.ch).

Nus giavischein ina nunemblideivla aventura el museum

il pli frequentau en Svizra.
Suprastonza communal

Controlla da habitonts Naschientscha

Moor Gianna, naschida ils 22 d'october 2010, feglia da Moor Maja e Müller Tobias Ernst Clemens.



Clom d'urgenza 118
Agid dil pumpiers da tuttas uras!

Preziadas vischinas, preziai vischins

Las vischnaucas da Medel, Tujetsch e Mustér possedan uss mo pli in corp da pumpiers. Ell'organisaziun munta quei ina gronda midada per las vischnaucas, mo cunzun per las personas che prestan survetsch. Per Vos resta denton il clom d'urgenza 118 era egl avegnir.

Nus supplichein perquei Vos d'alarmar ils pumpiers adina sur quella numera da telefon e buc empruar da contactar pumpiers sin via privata. Vos levgeis cheutras nossa lavur e scursanis il temps d'alarmaziun marcantamein.

Dapli informaziuns anfleis Vos sin nossa nova pagina d'internet sut www.pumpiers-sursassiala.ch.
Engraziel per Vies sustegn!

Vos pumpiers Sursassiala

Wettbewerb der Bildungsregion Surselva anlässlich der EX10

Die Vertreter der Bildungsregion Surselva bedanken sich bei allen Gästen der EX10 für den Besuch und das Interesse ihres Standes.

Die 5 Preise des Wettbewerbes gehen an folgende Personen:

1. Preis: Anja Tuor von Sumvitg, Gutschein REPower im Wert von Fr. 100.–
2. Preis: Toni Huonder von Disentis, Gutschein REPower im Wert von Fr. 100.–
3. Preis: Kim Manetsch von Disentis, Gutschein Mittagessen für 4 Personen im Haus der Begegnung Ilanz im Wert von Fr. 100.–
4. Preis: Geraldine Levy von Disentis, Gutschein Tageskarte Sedrun-Gotthard
5. Preis: Simon Josua Coray von Rabius, Fussball Rialto 50

Die Bildungsregion Surselva bedankt sich ebenfalls bei den Sponsoren der Preise; REPower Ilanz, dem Haus der Begegnung Kloster Ilanz, Sport Menzli Ilanz und den Bergbahnen Sedrun.

Uniun da dunna Mustér

Messa da s. Elisabet, ils 19 da november 2010 allas 9.00 ella baselgia s. Gions.

Suenter messa pusseivladad da star in tec da cumpignia ella caffetaria dalla casa s. Gions tier in caffè.

Sin in seveser salida
uniun da dunnas Mustér

Gruppa da preparaziun dil Salid dil Segner

Dumengia, ils 7 da november 2010 allas 9.30 ell'aula dalla casa da scola veglia a Mustér selegrein nus d'astgar beneventar ils affons dalla scoletta, 1., 2. e 3. classa primara a nossa devoziun.

Il tema dalla devoziun secloma: *Aunghel pertgirader sogn, seigies semper miu cumpogn.*

Per Vossa simpatia e per Vies sustegn engraziein nus da cor.
La gruppa da preparaziun dil Salid dil Segner



Uniun samaritana Mustér

Nies proxim exercezi meinsil ha liug:

Gliendisdis, ils 8 da november 2010 allas 20.00 en casa da scola, Cons.

A stedia participaziun envida
la presidenta

Uniun samaritana Mustér Cuors agid d'urgenza «Refresher»

L'Uniun samaritana Mustér organisescha in cuors per refrestgentar las enconuschientschas fundametalas dil cuors agid d'urgenza (Nothilfekurs).

Datum: **Sonda, ils 20 da november 2010 dallas 13.30–16.30**

Liug: Casa da scola, Mustér

Annunzias: Ein da far tochen ils **10 da november 2010** tier Yvonne Flepp, tel. 081 947 50 35,
e-mail: yvonne.flepp@kns.ch

Gruppa da teater Mustér – preavis

Nus fagein puspei teater: **Il grev malsaun**. Cumentia en 3 acts.

Premiera ils *15 da schaner 2011*, ulteriuras presentaziuns ils 21, 22, 23, 28 e 29 da schaner.
Per plascher risguardar quels datums

la suprastonza

Ludoteca Mustér

Liug/Ort: Halla Cons, tel. 076 494 39 92
e-mail: ludoteca@disentis.ch

Uras d'avertura / Öffnungszeiten:

Gliendisdis/Montag: 18.30–20.00

Gievgia/Donnerstag: 16.00–17.30

Venderdis/Freitag: 18.30–20.00

Vies team dalla ludoteca

Biblioteca populara Mustér **Notg svizra da raquens 2010** **Egl uaul da historias**

Ils scolars dalla 3. e 5. classa primara prelegian e raquentan historias e contan per Vus.

Cu: venderdis, ils 12 da november 2010

Rimnada: allas 16.30 sil plaz da scola avon la halla Cons

Cuoz: ca. 2 uras

Special: L'occurrenza ha liug da tutt'aura.

Setila en cauld. Sche ti has ina latiarna, sas ti prender ella cun tei (denton negins tizzuns!). Ei dat aunc ina pintga sorpresa!



Nus selegrein d'astgar beneventar biaras auditoras e biars auditurs.

Ilis affons, ilis scolasts e la squadra dalla biblioteca populara Mustér

Biblioteca populara Mustér
Praulas e historias cun Mats, la miur

Eis ti denter 2 e 6 onns? Has ti gust da vegnir cun tia mumma ni cun in'otra persuna d' accompignament en biblioteca e tedlar praulas ni historias?

Mats, la miur e nus dalla biblioteca raquintein a ti ina praula ord in cudisch da nossa valischa da surprises e quei mintga gada il **secund venderdis** dil meins dallas 14.30 entochen ca. allas 15.30. Nus selegrein zun fetg sin tei ...

Tgisà, forsa anflein nus mintgatun aunc enzatgei auter che mo cudischs en nossa valischa da surprises!

Cun ils pli cars salids e sin seveser tochen gleiti

Mats, la miur ed il team dalla biblioteca populara Mustér

La biblioteca ei aviarta:

Gliendisdis 18.30–20.00 uras

Mardis 13.30–15.00 uras

Gievgia 16.00–17.30 uras

Venderdis 18.30–20.00 uras

Nies motto: Leger . . . tedlar . . . mirar . . . !

Nus selegrein da mintga viseta.

Biblioteca populara Mustér